



26. juli. 10

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

**Meeqqat atuarfianni atuartunut angajullernut aningaasanik aqutsisinnaaneq
erniortitsisinaanerlu ilinniartitsissutigineqarsinnaanissaa Naalakkersuisut
eqqarsaatigisinnaanerlugu?**

(Inatsisartunut ilaasortaq Malik Berthelsen, Siumut)

Tunnqavilersuut:

Ilaqutariippassuit inuunerlunnerannut atugarliornerannullu pissutaasut annerpaat ilagivaat aningaasanik aqutsisinnaannginneq.

Nunami inukitsunnguami inuuvugut. Taamaattumik aningaasanik annertuumik atonerluineq aningaasarsiffinni, utoqqalinersiffinni, augustip naanerani akileraarutinik utertoofinni kiisalu kilisaatit tikiffiini imaluunniit aningaasarsisimaffiini ersarissorujussuarmik takuneqarsinnaajuaannarpoq. Aningaasanillu aqutsisinnaannginnerup kingunerisarpaa aningaasarsinerup kingorna ullut 1-2-it qaangiunneranni aningaasaataarutereerseq, tassa inuunermi pisariaqarnerusunut akissaarutereerseq.

Tamassuma ajornartorsiutip aaqinnissaannut inersimasut taamatut inuuneqalereersimasut aaqinnissaat ajornartorujusussuussasoq isumaqarpunga. Taamaattumik kinguariit tullii atugarissaarnerusut pilersinniarutsigit meeqqat atuarfiat aallaaviusariaqartoq isumaqarpunga. Inersimasunnngortigatik ilikkareertariaqarpaat aningaasanik aqutsilluarsinnaanerup aqutsisinnaannginnerullu suut kingunerisinnaaneraat.

Assersuutitut takusinnaavagut kilisaatini avataasiortut aningaasanik aqutsisinnaasortai nalilinnik arlaannik pigisaqarput aqutsisinnaanngitsortailu ilaminnut sanilliullutik suuteqaratik, naak agguaqatigiissillugit ukiumut 600.000kr.-it angullugit aningaasarsiaqaraluarlutik.